

南陵縣志卷三十

人物志

鄉獻

宋方懋德字元相宣和三年起家胄監授鄂州刑曹改湖州武康尉有丐者死或以誣富人沈氏獄已具懋德辯釋之用薦移晉陵丞改知錢塘縣時郡科輒五十萬懋德持不可立庭下屹不去卒罷之會使者按畿邑筆杖不如律者罪且連邑懋佐德言此令罪邑佐無與請自坐遂得免後知廣德軍未赴卒著有雲溪野老集

府志省志
通志宦績

南陵縣志卷三十 人物

楊若字又先唐吏部於陵之後幼孤力學登紹熙

府志

作紹興元年進士授峽州長楊縣主簿歷綿州羅江縣

丞漢陽軍司理改宣教郎知祁縣明恕不可犯秩滿

除分司陞提轄監登聞檢院除大理司直知江陰軍

未行復爲軍器監丞易太府寺出知全州興學敦行

創賑濟倉減輸租浮斛多惠政豪民號西山老虎者

聚黨恣橫設法繩之移知信州召爲大宗正丞遷都

官郎陞直祕閣進朝議大夫直寶章閣致仕

府志省志
通志宦績

元王廷字宗美

府志省志
作美宗

性孝友有學行以世亂將家

產分給二弟並與族鄰自禮堂徙居青弋江隱居宣

守以郡檄補官辭不就邑令建書院於其地以師聘

之亦不就邑人尊之曰東澗先生至元十六年浙江

行中書省用爲廣德路學正元貞二年除益州教授

創建廟廡士民譽服丁祖母艱歸尋以甯國路教授

致仕年八十餘卒翰林待制楊剛中爲誌墓

府志省志
通志宦績

按府志省志皆云廷性寬和友愛二弟葬祭一遵古

禮鄉里化之有從母姑既嫁而貧養之終身仍恤其

子宗黨稱貧不能償者舉券焚之訓率子弟

以孝弟忠信有古君子風徐志無今補注

明范懋字士勉復姓方永樂三年由鄉貢授河西令遷

隰州同知廉明不可犯百姓以包孝肅稱之致政歸

士民饋遺皆不受隰民不忘其德爲立思廉亭

府志省志

南陵縣志卷三十 人物

通志
宦績

陳效字志學成化辛丑進士爲人恂懦無華由戶部

主事轉員外郎中總理漕務甚久上下便之大司徒

秦公鉉倚以爲重先是諸倉輸賦者初至儲積於地

每淋潦驟至米雜泥滓中或至漂蕩腐敗患不可言

效乃規措悉甃以石至今永賴出知興化府適大旱

籍庫帑二千餘金市穀賑饑復請於朝悉蠲歲賦郡

有木蘭陂障海潮歲久石圯效極力繕治又濬小西

湖在郡八年百廢具舉陞鹽運使凡裕民便商事爲

之不遺餘力後以忤逆瑾歸著有東江集

府志省志
通志宦績

張真字仲理號奎湖登嘉靖丙戌進士刑部觀政卽疏黜貪污簡循良及任華容多惠政有十美十異之謠召入忤執政出爲延平府同知尋轉南京職方司員外屢疏乞歸大司馬王公雅重之作序餞別大學士徐公階有奎湖屏銘真著有奎湖詩集府志省志官續劉維和號懷順性醇謹舉動必以禮父早背析產以二讓兄而已取其一母氏饔飧更獨任之家不甚殷好周人急助婚助葬族鄰德之一生無爭人有橫逆相加者笑言譬解成冰釋以退以子有源貴受封一仍布素人服其德量卒年八十一祀鄉賢祠府志行

南陵縣志

卷三十

人物

三

管橘號五陵萬歷乙未進士初任嘉興令丁母艱服闋補長泰縣泰最苦麻餉橘悉除之礦役大興多藉爲奸利橘力請禁戢始不敢肆泰民尸祝焉遷大理評事雪疑獄大辟者數人行取監察御史丰采嚴凝指劾不避權貴例轉福建僉事會子一堂登賢書遂解組歸捐資置田與六邑名宿講學安賢祠祀鄉賢著有涵空閣集府志省志官續

清劉蘭生字君徵號涵潛觀察有源長子廩貢生有源歷官中外蘭生秉家政節儉如寒素篤訓諸弟鉅細事皆身任不以分其心足跡不入公府或謂父爲臺

諫子卽稍事語囑何損平生而甘自苦爲笑答曰倘吾父老諸生吾亦將事請囑耶族推有源爲攝宗凡建祠理譜釐祀訓族蘭生悉佐理焉歲辛巳大禡道殣相望同弟篤生倡募設廠煮糜於四城樓以食飢者身董其事全活無算一日諸當事宣講鄉約向眾中問曰汝等試言此日邑中誰可稱善人者齊聲應曰莫過貢生劉蘭生其爲眾所推服如此初有源之以憂家居也目覩桑梓受困里役多致鬻產棄妻者謀所以紓其困蘭生亟對曰是惟條編善蓋條編創自海忠介爲巡撫時而未及行行則諸項悉有畫一

南陵縣志

卷三十

四

之數卽顯貴與豪右輸納亦不得稍異齊民胥吏無從上下其手有源遂毅然言於知縣張其孝排眾議行之而左右贊厥成者蘭生力也未幾黠吏奸民交相爲梗法寢廢康熙初巡撫徐公國相復下其法惟南陵應令最先固一時紳衿與蘭生之孫楷力舉其事亦賴先時行之有成規在耳此其爲德於鄉最鉅至割券讓產周急扶窮諸細行不具書卒年五十六孫楷貴贈右通政祀鄉賢府志懿行及撫記通志孝義秦仁管字凱人號塞齋舉人鳳儀長子同弟才管登順治丁亥進士授戶部廣西司主事分司鳳陽倉兼

管鎮陽推轂剔積弊餘羨悉奏充軍餉癸巳以員外郎督理中南倉有陰圖陷害者卒以生平清故計不得行陞本部雲南司郎中丁酉以廣西賓州道出丁父艱未任服闋補陝西靖遠道其地極邊喪亂後城堡頽塌民多逃亡仁管力爲招徠督開墾修城垣期與民休息未幾奉裁甲辰補大名道任未三月以內艱歸尋起爲蒼梧驛鹽道三年方將報奏而吳逆反滇南仁管隨移書馬中丞言戰守事又隱窺孫逆延齡情形預馳檄傳將軍宏烈早爲之備皆不能用未幾孫逆果據城反迫脅慘酷瀕死者再旋遁跡窮巖

南陵縣志 卷三十 人物

五

陰圖收復已而間道奔投王師爲聞於朝奉有秦仁管未受僞職聽令休致之旨仁管深以孤忠得蒙洞鑑歸老林泉爲異數也生有至性篤友朋而桑梓之誼尤肫肫焉有故人遠宦而貧卒於官者爲返其櫬有妻子流轉他鄉者助以歸其義行多此類府志省志王奐字廣阿號千峰順治五年拔貢授奉化知縣邑多逋賦奐至免耗羨民爭輸納恐後巡按御史特褒之時海寇猖獗奐親冒矢石率民兵拒守邑獨全尋以憂去服除補米脂知縣陞順德同知並著聲績擢河間知府會有大獄涉不軌連數十百人奐實其魁

於法餘皆未減又會讞羣盜獄具論死奐辨其枉特出之已而果得眞盜治如法眾驚以爲神遷山東都轉運使鹽法道甦商困裕邊儲報最以疾卒於官中外惜之奐爲人忼爽好義有官景州者坐逋官帑旅櫬與其妻久不得歸奐爲賑貸以歸之至周卹親故與士大夫交遊無不得其歡心少攻苦善屬文以不得與科第爲憾故凡遇能文之士倍加禮尤精賞識於奉邑河郡所得士後多爲名臣邑祀鄉賢府志省志梁于淇字儀武號省齋至性肫篤事父備極色養母劉早卒事繼母一如生母友愛二弟居恆不干公府

南陵縣志 卷三十 人物

六

惟爲條編事侃侃以言邑人德之中康熙癸卯舉人九上公車不第就崑山教諭捐俸倡修學宮教督諸生寒暑不懈刻有課士錄湯公潛庵撫吳時倍加禮異學使遂甯張公試諸學博拔冠四郡姑蘇舊有糧累于淇每遇文移以糧事黜諸生者必委曲保全之任崑學十九年所全無算壬午遷廣西貴縣知縣特革編糧加耗兵米水脚諸弊俗頑犷喜爭鬪出入乘牛佩刀或盤踞深阻爲奸于淇婉轉誨諭俗浸以馴有謂于淇不輕授人杖者笑曰授杖何難只覺此心未忍耳喜論文每試童子輒命立案前親爲講解甲

申告歸未行病卒民建祠於其邑之南山祀焉

府志
省志

續

方伸字佐平號位齋生具異質襁褓中喪父王父初元奇愛之四歲時抱置膝上授以書輒了了長篤學擅文譽知縣屈升瀛三拔冠童子軍不售曰一衿得失詎足重輕吾期子遠且大者資入雍登丁巳賢書己未成進士授翰林院庶吉士散館補戶部浙江司主事轉本部山東司員外郎陞刑部廣西司郎中聲望蔚然轉山東登州知府潔己率屬歲旱飛蝗蔽天咸發省過爲文禱於蜡社蝗盡東赴海死郡人立石

蓬萊閣以誌異時東撫以操切爲政伸壹以寬仁持大體與迂鑄秩歸己而補廣東廉州上以廉遠郡且念館中舊臣命以腹地缺用乃補福建汀州知府重農桑緩催科通商賈而事有關利弊者力更張之汀境箐峒阻深俗悍擴伸務德化嘗單騎入巢穴勸諭其負嶠自恣者皆匍伏叩頭聽命丁亥夏異蛟發萬山水高數丈衝城勢急民惶遽哭聲震遠邇伸齧指血書告城隍神文爲民請命水立退尤加意文教郡有道南祠祀先儒楊時以僧守之久且圯伸爲重修請錄其裔孫楊我奉祀而去其僧時引士之能文者

課藝郡齋款款如待子弟凡經指授成名者甚眾尋

移疾歸至江西白水鎮去汀二百餘里士民送者踵

接有艤舟欲送至南昌者再三勞慰始去先是痛母

李苦節旣膺封不得與旌請祀邑之貞烈祠其生平

議革里役行條編置倉水次邑人德之卒祀鄉賢

府志

省志
通志

黃學懃字敏若懶庵其號也具至性八歲喪母哀毀過成人兄弟相友愛稍長讀近思錄曰吾畢生從事此書矣自書主一二字顏其齋領康熙壬子鄉薦律已嚴不苟取與而事關桑梓如革里役行條編之類

則直陳利弊於當事侃侃終日必得請乃已秉鐸蒙城日與諸生以文行相砥礪遇歉歲則捐資買穀以濟諸生之貧者遷山東費縣知縣除巨猾革宿弊招集流亡開墾荒蕪督捕蝗蝻嘗露宿野外以卓異陞湖廣沔陽州知州悉心咨訪求所以宜民善俗者將次第見諸敷施不旬日疾作兼念父春秋高乞歸休養時沔陽旱甚赤地如焚力疾以旱災通詳委員踏勘供億諸費悉出一己不足鬻所乘馬以給查災者感其誠懇以全災入告蒙恩停徵本年秋稅蠲免來歲丁編頌聲雷動沔東南多澤壤田廢稅存通糧動

爲累學歉詳懇土臺具題豁免歸時攀轅送者盈道路抵家侍父蒸烝色養暇則與子弟課文爲樂布衣蔬食晏如也

府志省志宜續

以上舊志

儒林

明范如岡復姓方字楚夫中宏治壬子鄉薦兩舉春官不第不復應舉杜門講誦所居茆屋不蔽風雨蔬食听夕恬如也潛心性學博極羣書以詩自娛草書法陳公甫正德季郡守胡東臯嘉重之屢造其廬嘗延至景德僧舍旦夕咨問人兩賢之嘉靖間撫按交薦

南陵縣志 卷三十一 人物

九

詔吏部移文徵聘擢用郡邑敦迫力辭不就著知新

日錄歲寒亭稿

府志省志隱逸

王宏道字子能由選貢選陝西平涼府司理改廣西平樂府蒞官清介致仕歸民頌之曰歸囊此處無他物惟帶昭山一點青家居布蔬不充足不履城邑前後郡邑大夫廉知其賢時造問焉平生研精性學尤長於詩所著詩集藏於家塾年九十四從容冠帶而卒邑侯丁捐資爲殯葬

按徐志藝文載籍目錄中王宏道著兩峰詩集

汪景字希道生而敏慧讀書寢食幾廢忽一朝掩卷歎曰今之所謂讀書者日記萬言適以增耳目之障

曾何粹於理義理義心之同然惟聖人先得之而發

於言載於書後之學者讀其書而知其言以會其心而通其理究天人性命之原稽古今是非治亂之實乃真能讀書耳於是一意攻苦務求文行交致乃負笈從湛甘泉先生遊一時鄒東廓錢緒山輩咸曰此畏友也中南畿鄉試數上公車不售司理嘉興移汝甯折豪右之強梗碎勢家之盤固里中有仇家數人論戍治所人謂可得甘心景釋不問且善遇之甫考績卽陳情乞歸蓋景三歲失生母王繼母朱奉其父

南陵縣志 卷三十一

十

十請始得抵家侍母卒終喪有勸赴補者景曰向求一命祇因親老今親墓旣封復又何求遂不復仕景惟以實心求實學以實學應實事嘗謂淡爲進德之基耳惟淡故聽不失聰目惟淡故視不失明口惟淡故食不失味心惟淡故思不失睿且淡可以濟儉而奢則敗制淡可以助廉而貪則蠱貞淡可以養靜而華則逐物天下之至味皆生於淡實生於心之無欲也乃築樓深山歌咏徜徉不知老之將至見一時學者多宗自然虛無之教每言聖門之學以身體實踐爲功真知自得爲貴作良知辨讀陸子集辨悉有功

於斯道云

何燮字贊元都諫燧之從兄篤學工文章年甫卅偕

父橋

府志作僑

補諸生父知燮能繼志遂自棄去而專屬

意燮燮益自勵與燧負笈從歸震川太僕之門學成

始歸已而聞鄒東廓錢緒山兩先生講姚江良知之

學於涇邑水西率其徒往師之務實踐黜虛浮歲辛

亥學使黃公拔士貢京師燮與焉辭不受丁巳燮又

當貢燮曰有許檀者

徐志選舉檀作壇

年長矣吾弗讓許將

終焉至己未燮始貢未數月卒初水西講會時中丞

汪尚甯給諫周怡州牧貢安國少參沈寵副使查鐸

南陵縣志

卷三十 人物

十一

皆與燮友善燮卒共緘詞致誅謂燮以溫良和順之

性光明道實之心果決練達之才孝友廉潔之行尤

惓惓以道之不行不明爲己憂而深悼惜其一旦長

逝也邑舊志稱燮崇尚正學有以哉

吳霖字良濟號丙峯忠臣景後幼穎悟絕人好讀魯

論嘗曰任舉二論中一語皆終身由之莫能盡何泛

涉爲年二十築室於馬仁山之巔閉戶十年於諸書

優游饜飫灑然自得曰吾道自足焉用科名以布衣

講學從者甚眾南畿士大夫延至白下與焦太史竝

講論甚契時河南金公勵以進士郎中知府事振風

紀明正學獎掖寒賤折節下士尤以賓師之禮遇霖

時與論學咨論民間疾苦霖亦隨在直言無隱云

徐按

志藝文載籍目錄中吳霖著有吳子緒言又見省志據記

以上舊志

清黃大中字正叔少孤兄弟相依友愛無間與人交傾

肺腑不留芥蒂尤精舉子業九歲能屬文十二應童

子試郡守張公大奇之自入泮後專研究程朱之學

著作甚夥惜皆散佚仍存遺稿一冊大致以疏濬性

靈羽翼經傳爲主其同時名士汪越方于珣咸敬禮

之

南陵縣志

卷三十 人物

十二

何慎修字子永鴻器孫幼隨祖入都客歙縣鮑桂星

侍郎所時侍郎方以文學掖後進慎修性穎悟率能

領會又從績溪胡培輩比部游比部精三禮修手錄

師說參攷羣經故自記心得於禮最多道光甲午舉

於鄉辛丑考取內閣中書京師人文薈萃名公鉅儒

若竇蘭泉李愚荃吳竹如倭文端曾文正何文貞呂

文節諸公砥礪名節講明心性皆目慎修爲爭友卽

耆碩如唐太常鑑亦折行輩與交蓋慎修於理學不

分門戶而居敬窮理務着實際俾體用賅備坐言者

可以起行大都以不欺爲本以近名爲恥以刻苦自

勵爲下手工夫其讀劉原淥冷語劄記有云凡行止語默無一刻不下狠力與自家爲難打定一片至誠愈耐愈苦愈苦愈耐若這裏耐不過卽是小人閒居以後不可問矣倭文端公歎爲至論錄入日記中謂足發人深省同治丁卯李文忠公曾文正公因剿捻餉糈孔亟委慎修江蘇蘇屬釐捐乃首請豁免米釐俾抒商困統計歲入雖減十之一然經徵弊絕溢收之數竟十一而强辛未蘇撫張因水利失修奏設局董其事又委慎修督辦其修海塘河道以數十計工費以數百萬計次第興舉民不勞而事集凡此整躬

唐張喬有詩名咸通中與許棠鄭谷張蠡李栖遠諸人稱十哲少與許棠同受知薛尚書能李建州頗爲京兆參軍主解試月中桂詩喬擅塲棠久困塲屋頗憐之首薦棠是年棠獲雋而喬罷喬性恬淡值黃巢亂隱居九華山久與杜荀鶴善詩篇亦流亞也今存二卷載全唐詩內宋志作一卷

按省志張喬傳作池州人府志徐志作南陵人

徐志附辨證云唐詩人爵里考喬池州人池州府志
亦載入考唐書地里志武德四年喬以宣州之南陵隸
池州貞觀元年州廢縣還隸宣州永泰元年析池州
之秋浦青陽饒州之至德置池州則喬之誤稱池州
者實以武德時之南陵隸池州遂致展轉傳誤耳喬
集中有送許棠及第歸云青門許攀送故里接雲林
送友人歸宣州云陵失計復離愁君歸我獨遊送友人
歸宜春云故里南陵曲秋期更送君唐詩統鑑以南
陵爲南陵之誤而定喬爲池州人可謂以不狂爲狂
李洞送喬下第歸宣州詩云無成來往過折盡敬亭
松則喬之爲宣州南陵人無疑也又舊志沿高棅唐
詩品彙之誤載喬大順進士全唐詩傳載喬咸通進
士按唐登第科記無喬姓名九華錄及池州府志亦稱
其未嘗登第尙書薛能以詩唁喬曰何事盡參差惜
哉吾子詩拙言僞載之則謂喬登第者誤也至舊志
選舉表有列喬開元劉昱榜者尤誤之誤也今錄之

元郭雷煥字有章饒州路教授能詩尤工駢麗文時號

郭四六送趙子昂應詔南邦諸老歌麟趾北闕千官

看鳳儀又有題施氏芳遠亭詩他多散逸

劉鑄字禹鼎其先蜀郡人以父宦家南陵舉至治辛酉進士歷安慶路推官知南豐州多惠政遷浙江湖廣行省兩典文衡所取士咸服其公尤長于詩題高尚書畫憶昔東走吳越間杖藜所過皆名山扁舟無端忽西上巫峽照眼青螺盤五年塵埃臥環堵慨想昔遊良自許偶然圖畫見崢嶸似與故人成晤語平生愛山仍愛畫畫裏看山天所借此身與畫兩相忘孰與莊周蝴蝶化格極蒼勁祀鄉賢

明劉永麟號象衡少聰穎磊落不事帖括詩賦多驚人

南陵縣志 卷三十 人物

十五

語萬歷乙卯舉於鄉出范景文門同考慶得人考職授通判以母憂不仕平生氣節自尚無嚴貴介不狎貧賤卒年六十四

許以忠字君信性甚孝嘗齧臂療父病由儒士任順天檢校遷光祿寺典簿轉戶部山東清吏司主事肆志古學同時與孔願之張孟兩友善以翰墨駢儷文爲世所稱其名在屠赤水王百穀諸人間貴游如駙馬都尉冉心清宗室孔陽諸王孫皆重之所選故事四六書北方學者爭相誦習著有愛日齋詩集何喬遠爲之序曰余嘗讀唐人所選河嶽英靈間氣又元

諸集凡其所取格律不失音響諧和及觀今人選詩律必窮於聲之表格必出於情之外窮聲之表慮其淺厲而近於怒出情之外慮其豁刻而入於蹙君信之詩紆徐而不迫篤摯而不浮其河嶽英靈之詩乎間氣又元之詩乎其推服如此

秦邦修號道源邑庠生父湛敦尚館書振興子弟修稍長遣贊名師遂雄藝苑宏詞亮節爲時所推重尤留心經世學邑中利弊邑令每就諮訪焉本邑糧稅舊有二十四等那移隱漏弊竇不一修草疏推民人俞美用等詣闕奏之丈量釐正邑賦得均厥績尤偉

南陵縣志 卷三十 人物

十六

強世熙號太字歲貢生博學好古爲邑名宿邑令蕭田林嘉禾沈後先延邑中名士聯文社號十鳳屬熙執牛耳焉嘗有人爲盜所誣熙憐其枉爲言於官脫之不令其人知也平生好行厥德類如此

清盛於斯字此公少負異稟詩古文辭倚席立就卓犖有奇氣嘗往來金陵維揚與名下士相結風流豪俠視世事無足介其意者爲廣陵兒所紿困而歸日告學使者黜其名授一衿家益貧不自聊賴佗僚憤鬱遂大放厥辭於詩歌破窗風雪中時聞其嗚嗚然或曼聲長歌歌已則泣而所作輒爲人持去亦不復自

記憶也初大梁周亮工未遇時與友善於斯曰子非長貧賤者異日擁節江上當過吾廬謁吾母吾卽死當題吾墓不十年而周果任江安糧道亟問於斯則死矣設位哭之甚哀自白門買石書名舟載至奎潭小桃源以表其墓贍卹其母徵遺稿僅得休庵影語一帙皆晚年類唐不經意之作問舊著不可得矣爲立傳傳末云於斯初名錢今尺牘中所傳盛鏗侯卽於斯也

許允成字展也號龍崖幼穎異不羣爲文雄肆浩瀚與修邑志領順治戊子鄉薦累躋南宮選授潁州學

正以艱歸服闋補金壇教諭金故才數允成至尤加意振興嘗言孝莫先於友親心所注也弟三人皆友愛備至尋以疾卒於官先是邑中里役解務最苦不均富者賄得輕解貧者任其重賠累不堪允成同甲午舉人何天駿力請當事拈圖值解積弊頓除著有龍崖集若干卷藏於家

何一化字生伯號瑟齋學淹博文章灑筆千言尤工詩侍讀施愚山亟稱之謂清真閒遠得風人之概以明經廷對輦下諸鉅公盛相推引尋策蹇歸門庭蕭然客至則一豆一壺永夕陶陶而不見有遲暮憔悴

之色郡邑大夫咸禮重之是時邑中名彥連袂接席角藝論詩無虛日而一化狎司齊盟風流照耀稱一時盛事四方士道陵邑者無不過從結歡而去所著瑟齋詩集施侍讀序以行世

童升秀字書升少力學於書無所不讀尤熟於史鉤元提要丹黃縱橫至老不倦每與客言古今治亂得失創制興廢之際數千年來瞭如指掌所著有僭國要覽拾史唾餘共若干卷有裨後學惜家貧不能梓以行世將以俟後之留心文獻者

王震字兩辰號葦庵歲貢生行方履潔性高曠視世

一切蔑如也篤學研窮經史善詩文書畫風韻灑然惜文多散逸傳者雷斧剩書小輞川輯詩藝林稱之梁于涵字沖一號海圻弱冠補諸生食餼卽有聲文場而於世俗嗜好泊如也與人交肺腑洞然恒以道義相助家貧力學淬礪爲古文辭善詩出入諸家上溯漢魏宗法尤在少陵能別領其樸拙俚碎之趣授徒燕山或代爲援例入成均大司成奇其才每得所作輒徧示六館諸生以疾卒於京平生著述殆盡弟子治隨在搜輯僅有存者

汪越字師退初字卓人大農山人其號也本姓王自

曾祖渭嗣母家汪姓而本宗不再傳失祀越以弟儁同兄升復姓王兩家宗祀得永延焉體孱弱善病而篤志於學穿穴經史畋漁百氏評選古今文鉤元提要多前人所未發者所著詩古文辭冲澹典博後進咸師效之乙酉舉於鄉聲譽藉甚垂老猶資舌耕郡邑當事咸折節加禮而茹苦自甘不妄干謁父性嚴毅事曲得其歡心伯兄早世撫遺孤備至嫂秦守志歲時必分館穀以贍之弟儁歿無出以第三子嗣之捐資倡行社倉法於里中請官給印簿而自爲勾稽其出入著有綠影草堂集毛詩集略讀史記年表諸

南陵縣志

卷三十八 人物

十九

書康熙辛丑膺修邑乘未成而卒邑令宋爲理喪事

太守黃公親往弔焉

府志省志儒林按汪越所著讀史記十表收入四庫全書提要

要通志越傳卽據引之府志縣志十表作年表誤

劉握一名倫字天一幼盲以耳受書輒不忘著作甚

夥算學三法一書指點直捷大興朱文正公撫皖時

序行之

按劉握著述尙有左傳類編謝宣城詩箋注史書刊誤讀史盲言一隅閣詩集等書均見

徐志藝文傳未採列茲補注以記崖畧

陶敬信字涵一性穎悟學務實踐力追程朱著述甚

富學使鄭江以忠信端謹留心經學保薦引見所著

周禮正義進呈御覽褒諭明晰平安賜段二疋著充

三禮館纂修載入學政全書爲諸生鼓勵書成議叙司鐸懷遠勤訓迪敦孝友不徒以課會畢事並委賑二次士民沾惠卒於官咸垂涕焉

以上舊志

明俞穀字伯達號雅庵歲貢生任汾水縣訓導生平才氣橫逸學術淹博時修武宗實錄當事耳其名薦預編纂稿成詳慎精核能得體要

程文繡字闇齋由禮部儒士任鄭藩引禮舍人陞楚府長史加署承文繡性穎悟過人沈酣經史邑侯丹山林公聘爲子師兼代纂齊家要略綸恩錄等書年

南陵縣志

卷三十八 人物

二十

八十猶手不釋卷自著有游藝集紫霞孟孝義記

清程峯號蓉泉廩貢生家貧好學課徒蕪湖弟子以數百計性方嚴雖盛暑未嘗袒服取與尤一介不苟著有松窗閒吟草

程萃靈字朗山號靜園資質聰慧淹貫經史爲文奇而有法常以古人自比著有靜園遺稿南窗雜錄劉杓原名培元字遜甫又字春圃平居績學文名藉甚乾隆辛卯鄉魁署任雲南師宗縣知縣以經術飾吏治及歸講學石嶺生徒日盛嘉慶間府縣修志聘爲採訪協修深資襄助自官書而外其著述有平遠

山房稿左傳評本行世

俞科字念劬號瑯峯乾隆丁酉舉人任繁昌縣訓導候選知縣其學長於左氏嘗著左史經綸集左史尚論集及學庸闡脈瑯峯詩文集科生有至性母病晝夜侍奉躬親湯藥及卒邑遭洪水喪葬殺禮終身戚戚引爲大憾人又稱其孝云

劉洪擲字柱蒼號邃崖一號天慵志趣清高性情豪邁惟數奇不偶試輒報罷晚年潦倒尤甚故胸中磊落不平之氣一寄於詩歌著有邃庵詩詞集

劉幹字楚美恩貢生劉握子秉承家學尤長吟詠朱

學士筠督學安徽劇賞之嗣學士與其弟文正公先後督學福建俱延致幕中嘗稱幹詩得風人之遺著有荔仙詩鈔

何鴻器號克菴邑廩生入大學博覽經籍有會心處輒手錄之晚年尤潛心性理以濂洛關閩爲宗著有周易彙疏述翼直疑易案易卦圖說塾本古本大學古聖學則定性書註守約編續近思錄老莊讀本南華道經艮齋口義守齋劄記印鴻集印泥集詩文旁通錄衛生集雜錄等書

何彤文原名煥文號芝亭桐城姚郎中鼐高弟子也

嘉慶戊辰副貢生爲松湘圃相國所特賞旋以佐職分發湖南初試彬州繼貳靖州又佐郡岳州嘗代權興甯各縣均輕徭薄賦與民休息所至有循聲後護理衡州府知府適衡陽彭玉麟應府試彤文奇其文曰吾老矣中流砥柱必此人也後彭爲同治中興名臣果如其言著有叢桂山莊詩存聽松隨札西溪偶錄從政筆記諸集學有本原語皆心得惟聽松隨札一書隨人示教隨時立言隨地著論於世道人心尤有關係友人金開第李佩衡王簡曾傳薪燕山桂泉序其書言之甚詳是蓋能以名儒而爲循吏者歟

劉開兆字靜觀號芸庵性嚴重不苟言笑博學能文廣交游好游覽尤工於詩前輩杭堇浦欽其才故和吳山讌集詩有勾惹仙才費剡藤之句著有芸庵詩集

劉城字玉成號葛岑咸豐庚午恩科副貢生好學深思不專工帖括而帖括自工汪文端公視學安徽亟加賞拔古文尤純粹得韓歐神髓嘗選古文並唐詩各數百首注釋行世

劉開暖字曙霞號乙亭性孤介不因人熱工詩五七言多警句詠史尤獨闢町畦著有多憾集

盛耿光字光初號日山一號金園讀書數行俱下六藝之文百家之編靡不綜核爲文汎濫停蓄深博無涯浹兵燹後著作鮮存然邑中父老猶多稱述推爲耆宿

秦林字掄五號西園歲貢生選任亳州學正善文詞邑侯王成璐重其人贈藝苑蜚聲扁額著述甚富皆燬於兵燹

張倬字漢波恩貢生饒識度文名冠時尤工書法宿儒均視爲畏友邑侯王成璐欽其品學折節與交且聘爲子師倬善於訓迪成路子績懋傳其業亦有名

光緒初爲甯國府知府

牧鑒鋒字銳英才氣縱橫以第一名入學受知於汪文端公公梓其文爲諸生法程將入貢病歿時人惜之

丁驥字筠青幼聰穎九歲能文有神童之目年十五以童試冠軍洪楊變起投筆從戎受知於湘鄉曾文正公合肥李文忠公同治甲子科中式經魁乙丑辛未會闈兩次堂備常熟翁相國同穌有滄海遺珠之歎嗣官江蘇知府時值軍務肅清亟求治理當局重其能歷委要差公事旁午心力交瘁然公餘之暇輒

擁經史丹鉛不輟著有慎六生齋詩文集

孫鰲字一鰲號六山經史填胸聲華聞淡每有所作妥貼排纂不懈而及於古邑中諸名士多出其門著作皆散佚惟歷代帝王歌尙存年六十餘卒無子僅一弟自輓云白髮傷心惟老弟青山埋骨屬門人聞者悲之

劉鎮鐸字金圃邑庠生幼穎悟好讀書五經四子能通大義百家九流莫不淹貫雖至六壬術數均極深研幾妙窺蘊奧庚申粵匪入境避難省城肄業敬敷書院九試俱冠軍湘鄉曾文正公奇之接見劇加歎

賞學使馬公亦曰南邑達人殆劉士哉洎江左戡平邑民凋敝特請牛糧籽種又條陳善後十三則大吏頗加採納後患日疾不愈資志以歿所著文曰東溪瞽隱集

江作屏字文藻歲貢生性嗜學窮年兀兀未嘗一日釋卷洪楊犯安徽陷南陵避寇出奔謁曾文正公於三江口與語器重之後值江浙告急薦入左文襄公幕府助左規復浙省偶以意見齟齬力辭歸里一以培植後進爲務生徒濟濟塾舍至不能容年五十餘卒著有九華經一卷

張維翰字孝懷家貧好學環堵蕭然不蔽風雨惟喜
裁成後進列弟子籍者數百人著有守拙吟一卷高
淳谷柯亭爲之序

張培之字映輝號澤雨歲貢生工詞翰潛心古大家
文粵匪之亂邑遭蹂躪及事平與里人悉力籌畫將
文廟大成殿奎星閣文昌宮暨書院校舍次第修復
光緒己亥邑侯宗能徵修南陵小志延爲採訪宣統
元年選泗州學正所著有漱芳齋文集

盛玉衡字璇圃號喬雲別號菊英性簡默居稠人廣
座中閱如也然好讀書雖流離顛沛時仍手一編琅

琅之聲弗絕著有多憾集

鄧元凱字上達號一三歲貢生性嚴重望之儼然令
人不寒而慄其教人以器識爲先一切文藝次之嘗
語人曰讀書不先從根本上入手徒侈言章句抑末
也惜年未六十卒

按以詩文名者尙有潘泗水秦晉秦楚徐鳳誥劉夢
清俞儼俞充文穆俊王儼王銀汪照夏永清陳鏡蓉
俞邦達何如水高崑張鵬秦之彥秦廷舉葉紹聞孫
灝王南徵凌雲秦雲棟秦璋秦超王孫路王繼善張
崑源葉廷英劉廣辰合彙錄之

以上新增